

欽定大清會典事例

欽定大清會典事例卷九百一

工部

河工

河員職掌一

河員職掌○直隸總督兼管河道總督所治為北河。設管河道五人。永定河道管永定河。通永道管北運河。通惠河及薊灤諸河。天津道管南運河及子牙河。清河道管豬龍巨馬滹沱諸河。及東西淀。大順廣道管漳衛諸河。永定河道轄河廳五。河營二。石景山廳同知一人。所屬四汛。縣丞四人。南岸廳同知一人。所屬五汛。州同一

人州判一人。縣丞三人。北岸廳同知一人。所屬四汛州同一人。州判一人。縣丞一人。主簿一人。北岸廳通判一人。所屬三汛州判一人。縣丞一人。主簿一人。三角淀廳通判一人。所屬五汛州判一人。縣丞一人。主簿二人。把總一人。永定河營都司一人。南岸營守備一人。所屬千總一人。把總一人。外委五人。額外外委八人。又兼屬二汛把總一人。外委二人。北岸營協備一人。所屬千總一人。把總一人。外委四人。額外外委七人。又兼屬一汛外委一人。通永道轄河廳三務關。

廳同知一人。所屬七汎州同一人。州判二人。主簿二人。又兼屬武弁六汎。千總一人。把總一人。外委二人。額外外委二人。楊邨廳通判一人。所屬一汎縣丞一人。又兼屬武弁八汎。千總二人。把總二人。外委二人。額外外委二人。通惠河漕運通判一人。所屬牘官二人。兼屬外委二人。又灤薊河員州判一人。主簿二人。天津道轄河廳三。河營一。天津糧捕廳同知一人。所屬六汎縣丞一人。減河主簿一人。巡檢三人。河捕廳通判一人。所屬四汎州判一人。主簿二人。巡檢一人。

河間河捕廳同知一人。所屬五汛縣丞四人。主簿一人。巡檢一人。子牙河縣丞一人。巡檢一人。把總一人。外委一人。南運河營守備一人。所屬千總一人。把總六人。外委四人。清河道轄分管河淀各河員。同知一人。通判一人。州同一人。州判二人。縣丞一人。主簿二人。大順廣道轄分管漳衛各河員。同知一人。州判一人。縣丞三人。主簿一人。巡檢一人。河東河道總督所治為東河。設管河道四人。運河道管通惠河。泇河。衛河。兗沂曹濟道。開歸陳許道。河北道管黃河。運河道。

轄河廳六。河營一。運河廳同知一人。所屬四汛。州判一人。縣丞一人。主簿二人。又牘官十二人。泃河廳同知一人。所屬三汛。縣丞二人。主簿二人。又牘官七人。捕河廳通判一人。所屬四汛。州同一人。州判一人。主簿二人。又牘官六人。上河廳通判一人。所屬五汛。州判一人。主簿四人。又牘官五人。下河廳通判一人。所屬四汛。州同一人。縣丞一人。主簿一人。巡檢一人。泉河廳通判一人。所屬一汛。主簿一人。又兼屬管泉各州縣。運河營守備一人。所屬五汛。千總二人。把總一

人外委二人。額外外委七人。又協備一人。所屬
二汛把總一人。外委一人。額外外委一人。充沂
曹濟道轄河廳三。曹河廳同知一人。所屬三汛
縣丞一人。主簿一人。巡檢一人。糧河廳通判一
人。所屬二汛。縣丞一人。主簿一人。曹單廳通判
一人。所屬三汛。主簿一人。巡檢二人。河北道轄
河廳四。懷河營四。祥河廳同知一人。所屬一汛
主簿一人。下北河廳同知一人。所屬二汛。主簿
一人。巡檢一人。黃沁莊廳同知一人。所屬五汛。
縣丞二人。主簿三人。衛糧廳通判一人。所屬三

汎縣丞一人。主簿二人。祥河營都司一人。所屬
一汎把總一人。下北河營守備一人。所屬二汎
千總一人。外委一人。黃沁營協備一人。所屬三
汎把總一人。外委三人。陽封營協備一人。所屬
四汎千總一人。外委三人。開歸陳許道轄河廳
三。豫河營三。上南河廳同知一人。所屬三汎州
判一人。縣丞二人。下南河廳同知一人。所屬三
汎縣丞二人。主簿一人。中河廳通判一人。所屬
一汎縣丞一人。上南河營守備一人。所屬四汎
千總一人。把總一人。外委二人。下南河營協備

一人所屬三汛千總一人。外委二人。中河營協備一人。所屬一汛把總一人。漕運總督所治為南河。設管河道二人。徐州道管中河。邳宿運河。淮揚海道管黃河。洪澤湖及海口。並山清高寶運河。兼管葦蕩。徐州道轄河廳一。湖團廳同知一人。所屬二汛把總一人。協防外委一人。又牆官二人。淮揚海道轄河廳四。葦蕩營二。裏河廳同知一人。所屬六汛千總二人。把總一人。協防外委二人。又牆官五人。堰盱廳同知一人。所屬三汛千總一人。把總一人。協防外委一人。河捕

廳通判一人。所屬三汛協防外委三人。揚州府

河務廳同知一人。所屬四汛千總一人。把總一

人。協防外委二人。又插官七人。葦蕩三營守備

一人。所屬六汛千總一人。把總二人。協防外委

三人。右營守備一人。所屬六汛千總一人。把總

二人。協防外委三人。○順治初年。設河道總督

一人。駐紮濟甯州。後移紮清江浦綜理黃運兩河事務。

通惠河分司一人。駐紮通州。北河分司一人。駐

紮張秋。南旺分司一人。駐紮濟甯州。夏鎮分司

一人。駐紮夏鎮。中河分司一人。駐紮呂梁。洪南

河分司一人。駐紮高郵州。衛河分司一人。駐紮
輝縣。分管歲修搶修等事。○九年。設河南省歸

德府管河通判一人。○康熙二年。裁江南省淮

徐道缺。歸併淮海道管理。○四年。裁衛河分司。

歸彰衛懷道管理。○九年。改江南省淮海道為

淮揚道。○又設江南省清河宿遷及歸仁隄三

處同知各一人。主簿各一人。○十二年。江南省

復設淮徐道。○十五年。裁南旺分司。歸濟甯道

管理。又裁夏鎮分司。所有滕嶧二縣各牘。歸東

克道管理。今改為克沂曹濟通沛縣各牘。歸淮徐道管理。

○十七年裁北河分司分歸濟甯天津三道管
理又裁中河南河分司分歸淮揚淮徐二道管
理又裁江南山盱同知歸併山清同知管理為
山清盱河工同知○又議准山東省滕縣河務
改歸濟甯道管理○又覆准河南省歲修工程
暫交該撫料理俟河南大工告竣仍照舊例總
河親勘具題○又議定山東河南二省特設管
河道員一應督修挑築辦料諸務均令河道協
同催趨聯銜會詳一例責成○又設南河蕭碭
南岸河營守備一人蕭汛千總一人外委協辦

一人外委效用二人。碭汛把總一人。外委協辦一人。外委效用二人。豐銅北岸河營守備一人。豐汛把總一人。外委協辦一人。外委效用二人。銅汛把總一人。外委協辦一人。外委效用二人。徐屬河營守備一人。小店汛千總一人。大壩汛把總一人。郭汛把總一人。邳睢靈壁河營守備一人。戴家樓汛千總一人。王家堂汛把總一人。董家堂汛千總一人。五工頭汛把總一人。運河汛把總一人。宿桃河營守備一人。阜河汛千總一人。古城汛把總一人。宿遷汛把總一人。龍窩

汎千總一人。煙墩汎把總一人。崔鎮汎千總一人。黃家背汎把總一人。桃源汎把總一人。山清裏河營守備一人。清江汎千總一人。外委協辦一人。外委效用二人。運口汎把總一人。外委協辦一人。外委效用二人。平橋汎把總一人。外委協辦一人。外委效用二人。山清外河南岸河營守備一人。外河汎千總一人。外委協辦一人。外委效用三人。北岸汎千總一人。外委協辦一人。外委效用三人。南岸汎把總一人。外委協辦一人。外委效用一人。高寶運河營守備一人。寶應

汎把總一人。外委協辦一人。外委效用二人。汎
水汎千總一人。外委協辦一人。外委效用二人。
永安汎千總一人。外委協辦一人。外委效用二
人。高郵汎把總一人。外委協辦一人。外委效用
二人。山安阜河營守備一人。安東汎千總一人。
外委協辦一人。外委效用四人。上河汎把總一
人。外委協辦一人。外委效用二人。下河汎把總
一人。外委協辦一人。外委效用一人。北岸汎外
委協辦一人。外委效用一人。邳宿運河營守備
一人。邳運汎把總一人。運河汎把總一人。○二

十二年

諭。河工關繫緊要。蘭家渡決口築塞方完。河南隄岸工程。令河南巡撫暫行料理。如有應會總河事務。仍移文商推毋誤。○又設江南省睢甯縣安東縣管河縣丞各一人。山陽縣外河縣丞一人。裁高家堰大使。改設主簿一人。○二十三年。設江南省桃源河營守備一人。撥宿桃河營屬龍窩汛崔鎮汛千總各一人。煙墩汛黃家嘴汛把總各一人。歸桃源河營守備管轄。又設洋河汛千總一人。蔡家樓汛把總一人。歸宿桃河營守備管轄。○三

十二年奉

旨。河南工程不必行總河往勘。照該撫所請修築。○三十五年。改江南省裏河同知為江南通省管河道。改高家堰同知為山盱同知。○三十六年

諭。海口為黃水入海之道。所關甚屬緊要。河道總督每年委賢能河官專管修理。勿致壅滯。○三十七年。設永定河南岸北岸分司各一人。○又直隸省河工添設縣丞三人。主簿四人。○三十八年。設江南省高堰河營守備一人。高堰汛千總一人。外委協辦一人。外委效用二人。高澗半汛外委協

辦一人。外委效用一人。又設桃源安清中河營
守備一人。清安汎千總一人。外委協辦一人。外
委效用五人。撥宿桃河營屬桃源汎把總一人。
歸桃源安清中河營守備管轄。增設外委協辦
一人。外委效用三人。○又裁江南通省管河道。
復設山清裏河同知。並添設安清通判。盱眙通
判。宿桃通判各一人。○四十年。覆准裁通惠河
分司。歸通水道管理。○四十二年。裁直隸省永
定河分司一人。○四十三年。設直隸省永定河
同知一人。復設分司一人。○四十四年。奉

旨。直隸山東河道與總河相距甚遠。應照河南省例。令各該巡撫就近料理。○五十八年議准。河南省清化鎮河捕通判。專管河務。為管河通判。○雍正二年。議准。以河南省武陟中牟等縣隄工緊要。設副總河一人。管理豫省河務。○三年覆准。豫省增設河官。凡歲修搶修。均令河汎各官專司其事。儻遇緊要大工。仍令沿河印官與汎河各官協同辦理。○又設直隸省北運河同知一人。通判一人。○四年。

諭。近年豫省河務險工下移。隄岸完固。山東河務甚屬

緊要。向係山東巡撫管理。但巡撫有地方責任。恐不能兼理河務。山東與河南接壤。令副總河兼管。○又議准直隸省河道分為四局。南運河與臧家橋以下之子牙河。苑家口以東之淀河為一局。令天津道就近管理。舊有天津同知。泊河同知。及各地方管河同知。通判。縣丞。主簿等官。悉歸管轄。永定河分為一局。將永定河分司。改為河道。駐紮固安縣總理。其沿河州縣。各增設丞簿等官。以資分防。除所有同知一人外。將向來效力人員。一概撤回。運河分為一局。撤去分司。歸通

永道兼管。其管河州判等官。悉歸管轄。苑家口以西各淀。及畿南諸河。為一局。將大名道改為清河道。移紮保定府。舊有管河同知。通判。州判。丞簿等官。悉歸管轄。○又設江南省葦蕩營參將一人。守備二人。○又直隸省增設天津管河州同一人。隸天津道。涿州。霸州。州判各一人。宛平。良鄉。固安。永清。東安。武清。六縣縣丞各一人。主簿各一人。隸永定河道。薊州。灤州。州判各一人。要兒渡縣丞一人。楊邨主簿一人。玉田縣縣丞一人。豐潤縣主簿一人。隸通永道。霸州。清河。

吏目一人。隸清河道。○又議准山東省疏濬泉源。設管泉通判一人。○五年議准黃河南岸劉家口壩工。歸商虞二縣就近管理。○又奏准豫省險汎下移。於開封府南岸增設主簿一人。管理開封府下北河。增設巡檢二人。一駐祥符。陳留適中之地。一駐蘭陽儀封適中之地。遇險要工程。協同廳汎各官辦理。其祥符北岸汰黃隄一道。亦令管理修墊。○又設河南省河北道一人。駐武陟。兼管河務。○六年議准江南省河營。設參將一人。統轄淮徐九營。淮揚十一營。每營

設守備一人。淮徐淮揚各設遊擊一人。除舊存七營外。如額建設。以專責成。○又

諭副總河專理北河。總河兼理南北兩河之事。今朕欲分任南北兩河。又思治河之道。必合全河形勢。通行籌畫。方可疏導安瀾。若分令兩人管理。亦有推諉掣肘之處。著詳議具奏。欽此。遵

旨議定。河之南北。因地而分。其原委分流。本屬一貫。河臣雖分兩人。而辦事應如一體。請授總河為總督。江南河道提督軍務。授副總河為總督。河南山東河道提督軍務。分管南北兩河。其有江南

河東修理工程。令公同商酌。會稿具題。儘遇緊要搶修。一面堵築。一面知會。不得藉會商為名。以致遲誤工程。至題補河官及奏銷錢糧等事。仍令分辦。○又設河南省豫河。懷河營守備各一人。○又設南河豐下汛把總一人。外委協辦一人。外委效用二人。歸豐銅河營守備管轄。又設宿虹南岸河營守備一人。撥宿桃河營屬洋河汛千總一人。蔡家樓汛把總一人。歸宿虹南岸守備管轄。又設山盱河營守備一人。徐壩汛把總一人。外委協辦一人。外委效用二人。高溝

半汎外委效用一人。又設桃源北岸河營守備一人。撥桃源河營屬崔鎮汎千總等官。歸桃源北岸河營守備管轄。○七年。設南河山阜海防河營守備一人。童營汎把總一人。外委協辦一人。外委效用三人。南岸汎把總一人。外委協辦一人。外委效用二人。又設揚河江防河營守備一人。京口汎千總一人。外委協辦一人。外委效用一人。甘江汎把總一人。外委協辦一人。外委效用二人。江防汎把總一人。外委協辦一人。○八年。設直隸省河道總督一人。○九年。增設石

景山同知一人屬永定河道管轄。○又覆准山東省運河一應修築隄岸牘壩工程均責令管河廳汛等官分司修防。不得推諉。僅有疏虞。題參賠修。如別案大工。仍令地方官與管河各官分段修築。○又覆准江南省邳睢同知照舊管黃運兩河工程。宿虹同知專管黃河兩岸一百四十餘里。並將宿桃中河通判舊管黃河葉家莊竇家林等工歸於該同知管理。宿桃中河通判改為宿遷運河通判。管理宿遷至古城運河兩岸子隄長九十里。並將宿虹廳舊管運河兩

岸隄工長四十八里。歸於該通判管理。安清中河通判改為桃清中河通判。原管運河自桃源三汊河起。至清河縣楊家莊止。兩岸子隄。又運鹽中河一道。自運口沿河牆起。至安東縣止。並將宿桃中河通判。舊管古城以下。至三汊運河兩岸子隄。歸於該通判管理。海防同知。原駐廟灣。應移駐童家營適中之處。改為分管山安南岸河務海防同知。將外河廳南岸工程之內。自新港頭上起。至山安交界陳家社。計長百有五里。又山安廳南岸工程之內。自陳家社起。至陶

家社電土隄尾止。計長六十一里。歸併該同知就近管理。增設巡檢把總各一人。管理原屬外河廳所管上河汛新港頭起。至葉家營止。長六千二十七丈。江防同知改為揚河江防同知。駐紫瓜洲。原管江口及三汊河迤南河道二十五里。將揚河廳工程之內。自邵伯迤北高江交界三十里鋪起。至三汊河止。兩岸各工長八十里。分歸管理。○又設江南河庫道。○又改南河宿純河營為宿遷北岸河營。撥宿遷汛把總歸邵宿運河營守備管轄。○十年。設南河睢寧南岸

河營守備一人。撥邳睢靈壁河營屬戴家樓汛千總一人。王家堂汛把總一人。歸睢靈南岸河營守備管轄。○又議准江南省江都縣芒稻河牆廬向係商捐款項修理歸鹽政管轄。查商人於工程素非諳悉改歸河員管理添設牆官一人。○十一年改江蘇省分駐徐州之淮安府河務同知為徐州府河務同知。○十二年改山東省曹東道為管河道專管黃運兩河事務。○又直隸省復設大名道兼管河務。又增設永定河北岸同知。三角淀通判。○又添設直隸省薊州

糧河通判。清河道屬。緒龍河管河通判。祁州管
河州同。蠡縣管河縣丞。魏縣管河縣丞。各一員。
東鹿縣管河主簿。東安縣管河主簿。各一員。潮
河外委把總。白河外委把總。永定河外委把總。
各一員。○又改江蘇省淮安府屬之邳睢靈壁
河務。宿虹河務同知。宿遷運河通判。俱隸徐州
府。○乾隆元年

諭。治河之道。在因其勢而利導之。司河務者。必將全河
形勢。熟悉胸中。隄防疏濬。在在得宜。始可以行所無
事。而致安瀾之慶也。黃河自河南武陟。至江南安東

入海。長隄綿亘二千餘里。舊設總河一人。駐紮清江浦。雍正七年。復設河東總河。誠慮鞭長不及。故俾南北分隸。各有責成。惟是河流日久變遷。舊險既去。新險復生。其閒防濬事宜。有病在上流。而應於下流治之者。有病在下流。而應於上流治之者。必須通局合算。同心協理。庶無顧此失彼之憂。若河臣於南北形勢。未能洞悉。遇有開河築隄等事。或至各懷意見。彼此參商。則上游下游。必有受弊之處。所關匪細。徐州府當南北之衝。為兩河關鍵。最為緊要。現設南河副總河。應移駐徐州。以專督率。如兩河有應會商事宜。

就近可與南北河臣公同踏勘。應開濬者即可開濬。應堵築者即行堵築。毋得推諉。亦無得掣肘。於河務似有裨益。著江南總河河東總河確議具奏。欽此。遵旨議定。副總河移紮徐州。凡兩河應行會商事宜。即就近與南北河臣公同酌議。立即舉行。其毛城鋪等處減水牆壩。就近督率徐屬廳營。按時啟閉。隨宜辦理。如病在上流。而應於下流治之者。北河臣豫為知會副河臣。與南河臣踏勘定議興工。如病在下流。而應於上流治之者。南河臣亦即知會副河臣。與北河臣踏勘定議興工。如上

流開河築隄有礙下流。下流開河築隄有礙上流。並知會副河臣會勘妥議。其動用錢糧仍照南北工程定例。○又山東省增設黃運河守備一人。○二年。裁江南副總河。○又江南省修築毛城鋪減水壩。添設徐州府通判一人。直隸省天津府運河一帶河工。添設張家灣漕運通判一人。○又議准。江南省徐屬同知。改為銅沛同知。並增設豐蕭碭通判一人。其餘十五廳仍舊管理。○又議准。山東省東平濟甯二州泉務。令各該州同管理。汶上滕鄒泰安滋陽甯陽六

縣泉務。令各該縣縣丞管理。平陰萊蕪肥縣三縣泉務。令泰安府經歷管理。曲阜泗水二縣泉務。令兗州府經歷管理。蒙陰縣泉務。令沂州府經歷管理。新泰縣泉務。令該縣上泗莊巡檢管理。嶧縣泉務。令滕縣縣丞兼管。魚臺縣泉務。令濟甯州州同兼管。仍聽管泉通判管轄。其地方一切公務。管泉各官。均免其差委。至該州縣泉源泉河及蔭泉樹木。沿河柳株。均責令該員督率泉夫。不時疏濬栽植。儻因循怠惰。泉務廢弛。即將專管之官參究。如通判不實力巡察。通同

徇隱該督撫一併叅處。至冬閒協挑運河。亦令該員管押。其有泉州縣印官。改為兼管官。令其稽察催趨。仍令管泉通判。不時巡察所屬。如泉流暢達。樹木繁茂。有益運道。該河道總督酌量具題。予以議敘。○又奏准巡視山東漕運御史。與河臣協同督察大濬小濬工程。○又議准直隸省通州屬普濟等牘。大興縣所屬慶豐等牘。向設牘官。止司啟閉。不能兼顧隄岸。添設通州吏目一人。大興縣主簿一人。專司河務。○又改南河徐屬河營為銅沛河營。○三年

諭。毛城鋪工程漸次就緒。但此地至洪澤湖。河湖水道六百餘里。經過數十州縣。土壤相錯。若無專官統轄。則丞簿微員。呼應不靈。所有一切隄岸壩座工程。未必經久堅固。况現在修防疏濬。尚須逐年料理。則歲修之費。當豫為籌及者。著總河會同總督。悉心妥議。於就近廳員中。歸併何官管轄。並酌定歲修之費若干。每年冬末春初。河水未發時。相度修治。俾地方永受其益。欽此。遵

旨議定。毛城鋪減水壩。池下河道。令豐蕭碭河務通判。銅沛河務同知。邳睢靈壁河務同知。宿虹河務

同知。山旰河務通判。各照所屬地方分界管理。子堰或經卑薄。河道閒有淤阻。均令隨時修補。疏導。○又議准。河南省商邱虞城三汛隄工。應清界址。虞隄自一堡至火神廟止。長千有五十丈五尺。改撥商汛與商隄相接。商隄自五虎廟東埠口至蕭家莊止。長千有九十一丈。改撥虞汛與虞隄相接。曹縣越隄一段。長一百八十八丈。東九十四丈。改撥虞城上汛。西九十四丈。改撥商邱汛。則工段聯絡。便於巡防。○又議准。南河福興通濟二牖。各設牖官一人。將原設之廣

濟牖牖官改為通濟牖牖官。○四年設河南省儀考通判。○又改直隸省廣大同知為大名府同知。專管河務。○又設永定河營守備。○又奏准洪澤湖發源桐柏淮泗及七十二谿等處。聞歲冬春。河臣會委大員。將河形水勢。通塞衰旺。以及分支合流。可引可截。各情事。詳細勘明。豫為酌定。○五年。設河南省曹儀通判。○又改山東省管河道為運河道。專管運河兼河庫事務。以充沂曹道兼管黃河工程。○又議准。總河所轄漕河。每年應詳按形勢。查明脈絡。凡各處泉

河淀泊以及支河汊港。關繫濟運之處。窮源溯
委。將道里遠近。現在隄身高寬丈尺。何處發源
入漕。何處洩水歸宿。並將各隄插壩。舊制新增。
更改事宜。逐一分析。繪圖黏單。送部備查。○又
直隸省永定河道所轄靜海管河主簿青縣管
河主簿改隸天津道。○又議准江南省添設下
河沿海河道插官。鹽城興化二縣之天妃石碓
二插。設插官一人。興化縣之白駒南北中三插。
設插官一人。鹽城縣之上崗北草堰二插。各設
插官一人。專司啟閉。○又奏准永定河南岸。原

設千總一員。專管兵丁。把總一員。分管下七工
汎地。北岸原設千總一員。分管上七工汎地。把
總一員。撥令專管石景山汎。今酌增河兵。仍將
石景山把總改歸北岸。專管上七工汎地。北岸
千總專管兵丁。石景山添設千總一員。○六年。
裁直隸省祁河通判。改設子牙河通判。○又裁
河南省彰德府同知一人。將所管安陽湯陰內
黃三縣漳洹諸河工程。歸糧捕通判兼管。裁懷
慶府沁河通判一人。將所管隄工及水利泉源。
歸黃河同知糧捕通判分管。○又裁直隸省清

河同知一人。所管河務。歸保定府鹽捕同知兼管。○七年議准河東裁併各官。陽武縣縣丞所管黃河兩岸隄工。歸併鄭州州判管理。裁陽武縣縣丞一人。滑縣縣丞所管衛河。歸併濬縣縣丞管理。裁滑縣縣丞一人。恩縣主簿所管運河。歸併夏津縣丞管理。裁恩縣主簿一人。博平縣縣丞所管運河。歸併堂邑縣主簿管理。裁博平縣縣丞一人。○八年裁江蘇省海防道。改設淮徐海巡道一人。駐徐州府。○九年奏准江南省淮徐淮揚二道。原係分巡兼管河務。但河工關

繫緊要。該二道有管轄廩汛之責。嗣後應令其
專管河道。十一年。裁江南省銅山縣東岸驛
驛丞。改設巡檢一人。歸銅沛豐碭兩廳及銅沛
二縣統轄。以河工雜職註冊。

欽定大清會典事例卷九百二

工部

河工 河員職掌二

乾隆十四年。裁直隸省河道總督。以直隸總督兼管總河事。○十八年。直隸省滿城縣設管河縣丞一人。○二十年。議准山東省東平州河道綿長。向設州判一員。不敷管轄。將州同改歸河工。分管運河。○二十一年。議准山東省沂邳海贛同知。既不兼轄海贛。改為沂州府水利河務同知。移紮大興鎮。○又議准江南省丹徒縣橫

越牘需員管理。將瓜洲廣惠牘牘官移紮兼理。

○二十二年

諭淮徐河道向兼分巡。後因專設巡道。地方各官遂以非河道管轄。遇雇夫搶險等事。每致呼應不靈。嗣後伏秋大汛。辦料雇夫。該地方官著仍聽淮徐河道調遣。毋得歧視。以重河防。○二十三年奏准。嗣後東省沿河二十六州縣衛所。並有泉之十二州縣。凡有關繫運河泉源修濬工程。一切派工委員募夫辦料等事。俱聽運河道調遣。儻有延玩誤工之員。該道即會同布按兩司揭參。照例議處。○

又議准。運河工程。自黃林莊至宿遷窩灣口止。河長一百二十里。改歸運河廳管理。邳睢廳專管黃河南北兩岸隄埝各工。以專責守。至邳州黃河北岸營守備。仍兼管運河。其北岸黃河工程。會同邳睢廳辦理。運河工程。會同運河廳辦理。該廳所轄運河內巡檢二員。把總一員。歸併運河廳管理。○又改直隸省魏縣縣丞為大名縣管理漳河縣丞。駐魏縣舊治。○二十四年議准。東省管理泉源佐雜共十二員。內惟東平州州同。係屬河員。其餘均係地方佐雜。各有分司。

每歲二三四月間專司泉務。地方公務免其差遣。疏濬事竣仍應分司委辦。歸河臣兼轄。如有怠玩廢弛即行叅劾。並令甯陽縣縣丞專司泉務。兼管曲阜泗水二縣泉源。歸河臣專管。兗州府經歷免其兼管泉務。○二十五年江南省河營設銅汎外委協辦一人。外委效用二人。○又議准直隸省改設運河汎員。改子牙河主簿為滄州減河主簿。改滄州李邨巡檢為青滄減河巡檢。將大城縣縣丞移紮子牙河適中之地。管理子牙河東堤工程。○又奏准江南省豐碭廳

自單縣界起至黃邨壩止。專令豐汛把總會同
豐縣主簿率堡夫修防。自黃邨壩起至大谷山
止。專令協辦把總會同關虎店巡檢率令堡夫
修防。○又議准直隸省永平府遵化州一切河
渠隄埝均歸薊運通判管轄。○又覆准原設黃
運河營之守備。經管兩河。應添設協備管理。將
德州衛南汛千總改為黃運河營協備。○二十
六年議准通惠河河工分設文武四汛。專令廳
員管轄。○又設南河洋河汛外委協辦一人。外
委效用三人。蔡家樓汛外委協辦一人。外委效

用二人。○又直隸省甯河縣蘆臺巡檢改為兼管河務。○二十八年覆准江南省宿遷縣泲河子埝著新設峒崕司巡檢兼管。○又奏准豫省河內縣民修埽壩工程酌撥孟縣河兵十名令分防外委帶領移紮該縣天師廟工所協同縣丞督率民夫修守防護。○又議准直隸省通惠河歲修搶修一切疏築工程改令漕運通判就近管理其慶豐通流插官及上下汛外委河兵均令該通判管轄。○又設南河戴家樓汛外委協辦一人外委效用四人王家堂汛外委協辦

一人外委效用五人董家堂汛外委協辦一人
五工頭汛外委協辦一人阜河汛外委協辦一
人古城汛外委協辦一人邳運汛外委協辦一
人宿遷汛外委協辦一人○二十九年議准直
隸省管理堡船改設守備一員駐紮天津隸天
津道管轄所有南運河河兵千總把總及天津
道各工均令該守備經管其子牙河格淀隄工
歸王家口縣丞管轄○又奏准豫江兩省河道
溝渠每歲農隙派道府大員親勘籌辦○又江
南省宿遷運河營守備改為邳宿運河營守備

又裁山陽裏河下營守備一人。○又

諭。荆山橋水利河道。地屬江南。向經奏明。歸於河工兼管。分應隨同欽差勘辦。且一切興挑事宜。皆該督素所熟悉。即著會同勘明。詳晰籌議具奏。○又設南河小店汛外委協辦一人。外委效用五人。郭汛外委協辦一人。外委效用三人。大壩汛外委協辦一人。外委效用三人。○三十年

諭。江南淮揚淮徐二道。向係兼理河工地方之缺。嗣將海防道裁汰。改設淮徐海道。專管三府州事務。並將揚州一府。歸常鎮道管理。而令原設之淮揚淮徐二

道專管河工。久經允行。河防分巡均屬地方要務。原不應過分畛域。現在淮揚淮徐二道專理河務。而分巡之事不令兼司。於地方官呼應不靈。辦理一切工程未免掣肘。且山東之兗沂曹河南開歸河北各道俱不難於兼顧。江南又何獨不然。著將淮徐二府地方分巡事務仍歸淮揚道兼管。俾事權歸一。以資實效。其添設之淮徐海道一缺即行裁汰。○又直隸省裁永定河子牙河千總二缺。改設守備一員。隸天津道管轄。○三十一年山東省裁捕河千總。改設把

總二員。分管捕河上河兩廳河道。○三十二年

奉

旨。前經降旨令河員一體迴避原籍。茲據總河奏請將河南山東兩省河工人員。彼此酌量調補。朕意各該省河工員數多寡不均。即酌量對調。難於恰當。而其酌調江南河員一節。視他省尤不免更費周章。蓋南河額缺本繁。若撥往北省。惟河南山東毗連各處情形。猶不甚相懸。至以直隸工務相較。南北不同。辦理轉恐未能妥協。此等人員。專管河工。非地方有司經理民事者可比。但不至近鄰鄉里。與親故難以避

嫌其於職守官方原無隔礙嗣後凡河工同知以下各員有官本省而距家在二百里以外者俱准其毋庸迴避如此則工員不致移調紛繁而河務亦可駕輕就熟著各該督妥協籌辦具摺奏聞○三十三年奏准江南省邳睢黃河營所管運河自黃林莊至窯灣口一百二十里改併運河守備就近會同該廳營管理○三十四年議准江南省鎮江府水利通判有冬勘春修夏秋防汛之責令其專司河工○三十七年奏准江南省洪溝河一遵分派蕭陽二縣主簿宿州州同永城縣縣丞

經管防護。遇有河道隄堰淤淺殘缺。照業食佃力例辦理。責成道廳每年查勘督辦。○又議准直隸省永定河管河州判及南堰汛官三員。移紮挑河頭毛家窪葛魚城一帶。就近辦理。原撥格淀隄把總一員。仍歸永定河管理。濬船兵夫。並添設經制外委二員。隨同三角淀通判專司濬船。並巡查淤淺。分段挑挖。以專責成。○又議准直隸省千里長隄。自張青口以東。隄工接頭之處。改隸天津道。交子牙河通判經管。其原管格淀隄之州同。移紮大城之固獻地方。與大城

縣縣丞分段管理。○三十八年。直隸省保定縣
主簿。霸州州判。改隸天津道。交子牙河通判管
轄。○又山東省兗州府洺河通判。管理河湖牘
壩事務。冗繁。改為兗州府洺河同知。改沂州府
沂河同知為沂河通判。○三十九年。議准豫省
安陽縣洹河高平牘。責成彰德府通判督率經
理。令河北道不時查察。○四十年。議准直隸省
北運河之楊邨廳。險工林立。工程倍於務關。其
極北之王家鋪一汛。長二十五里有奇。甚為緊
要。改隸務關同知管理。以便修防。○四十一年。

議准通惠河各牘工程改歸通永道管理以專責成其修船牘座添換牘板麻繩等項仍照舊例於坐糧廳稅課項下支給令該廳會同查驗詳報倉場侍郎察覈○四十三年議准直隸省北運河吳家窩壩座河隄改歸要兒渡縣承經管並將王家務額外委撥歸要兒渡縣承汛內協力修防○又

諭向來江省淮徐淮揚兩道因兼管河務一切差委俱不調派所有河南之開歸陳許道彰衛懷道山東之兗沂曹道三缺亦係分管黃河南北兩岸工程修防

緊要。未便遠離。嗣後著照江南之例。各該撫不得調派科場執事。及委署別缺。以重河防而專職守。○四十六年議准管泉各員循例兼管而無實效。不若令其專管。以嚴責成。嗣後管泉之員俸滿甄別事宜。令撫臣與河臣會看註考。○四十七年奏准河東黃運河營守備專管運河。應改為運河營守備。○四十八年議准河南省蘭陽李六口壩工合龍。新河暢注。修守防護。倍關緊要。必酌量調劑。俾各有專責。方無貽誤。將儀考通判改為蘭儀通判。蘭陽儀封。睢州各新隄均歸該

通判管理。睢州添設管河州同一員。裁南陽府
通判。改設睢甯通判。曹儀廳改為曹考廳。管轄
考城工程。儀封主簿改為甯陵主簿。蘭儀巡檢
改為蘭考巡檢。與考城主簿分管汎地。○又設
南河銅汎把總一人。○四十九年奏准。嗣後黃
河各工除道員外。文武員弁將隄工段落文明
里數分汎經管。俱令於隄工緊急處蓋房居住。
一切兵夫土牛子堰柳株等項責成分駐之員。
一體兼管。○又河東豫河營添設都司一員。○
又河南省儀封縣改為儀封廳。裁儀封縣縣丞。

設儀封廳管河主簿一人。○五十一年。河南省
蘭儀新修隄工。添設同知一人。分管蘭儀睢三
汎工程。睢州下汎縣丞。改為睢州管河州同。○
五十二年。議准江南省徐屬邳睢一廳管轄黃
河南北兩岸。悉係迎溜頂衝。在在均關緊要。必
須南北兩岸分設同知二員。各專責守。無誤修
防。將六塘河水利同知。改為邳北同知。專司北
岸河務。原設邳睢同知。改為睢南同知。專司南
岸河務。○又議准河南省蘭儀通判。改為蘭儀
同知。專管蘭陽及儀封上汎。其儀封下汎及睢

州上汎改為新設儀睢通判經管。○又河南省
睢甯通判改為睢甯同知。黃沁同知改為黃沁
通判。○五十三年。豫東懷安營都司改為協辦
守備。○五十四年。設山東省運河協辦守備一
員。○又議准江南省淮徐屬桃源一廳所管黃
河汎地周長二百餘里。北岸與運河僅隔一隄。
尤關緊要。必須兩岸分設兩廳經管。庶往來便
捷。責成益專。將鎮江府水利通判改為桃源南
岸通判。桃源同知改為桃源北岸同知。分司兩
岸河務。○又議准永定河北隄八工武清縣主

簿。改為東安縣主簿。北隄九工。東安縣主簿。改為武清縣主簿。其八工。原管武清縣隄九十二丈。歸九工管理。○又覆准直隸省溫榆河疏濬工程。改歸通永道管理。自新河口起。至工部稅局一帶。責成漕運通判督率。通州上汛外委管理。如有淤淺。報明該通判勘估詳辦。○又直隸省通州上汛。原設外委。改為把總。其中汛原設把總。改為外委。○又議准淮徐屬豐碭一廳。管轄黃河兩岸工程。額設通判一員。從前要工無多。尚易防範。近年河溜變遷。險工較多。且北岸

逼近運河。更關緊要。應於南北兩岸分設通判二員。各專責守。將徐州府鹽捕通判改為豐碭北岸通判。專管北岸工程。原設豐碭通判改為蕭碭南岸通判。專管南岸工程。○五十五年。江南省豐碭蕭河營守備改為蕭碭南岸河營守備。安阜北岸河營守備改為蕭碭北岸河營守備。○五十六年。永定河河營守備移紮南岸。裁石景山千總一人。改為永定河協辦守備。駐紮北岸。又鳳河東隄外委移紮石景山汛。盧溝橋濬船把總改為鳳河東隄把總。○嘉慶四年議

准山東省曹單同知。經管黃河北岸。向駐曹縣。六堡險工處所。與新築曹工大壩及單汎隄工。相距遙遠。大汎時往來巡防。鞭長莫及。難以兼顧。將曹州府管糧通判。改為糧河通判。並將河南修武縣縣丞。改為曹單管河縣丞。曹下汎尾段。並單汎。歸於改設之糧河通判分管。其上段止有曹縣工程。歸曹單縣丞管理。○五年奏准。宛平縣縣丞一員。作為南頭上下汎之員。其駐紮大城之霸州州同。移紮永定河南頭工上汎。薊州州判。移紮大城州判事務。歸併薊州中營。

巡檢管理。○又江南省邳北同知改為邳北通判。蕭碭南岸通判改為蕭碭南岸同知。○六年奏准子牙河念祖橋東西二隄責成巡檢縣丞管理。○又設南河碭上汛千總一人。○七年議准江蘇省淮徐道原管之桃南桃北兩廳改隸淮揚道管轄。淮揚道原管之江防揚糧兩廳改隸常鎮道管轄。○又改江蘇省宿虹河務同知為宿北同知。增設宿南河務同知。通判各一人。又增設碭山縣豐縣管河縣丞各一人。○又改河南省上北河同知為祥符北岸同知。改衛輝

府河務通判。為上北衛糧河務通判。○八年。設南河豐上汛千總一人。○九年。設南河豐上汛外委效用一人。又設周家樓汛外委協辦一人。外委效用一人。改撥戴家樓汛外委效用一人。為周家樓汛外委效用。○十年。河南省懷慶府黃沁通判。改為黃沁同知。南陽府睢甯同知。改為歸德府睢甯通判。○十一年。奏准永定河南北兩岸。原設汛員。不足以資照料。將下游公平之三角淀屬北隄九工。武清縣主簿移紮北岸頭工。作為上汛。原設上汛武清縣縣丞。作為中

汎原設下汎宛平縣主簿仍為下汎其北九工
汎務即歸北七八工兩汎分管。○十一年設江
南省副總河又改河南省開封府開糧通判為
開封府中河河工通判。○十二年

諭朕恭閱

皇考高宗純皇帝聖訓內載乾隆十四年三月欽奉

聖諭直隸河道事務近年以總督兼理不過以伏秋汎
至之時往來率屬防護工程俱已平穩所有直隸河
道總督不必設為專缺即於總督關防敕書內添入
兼理河道字樣等因欽此是永定河道事宜本係總

督兼管止於大汛時往來稽察近年以來總督每遇
伏秋汛時常駐工次動輒累月其地方應辦事件均
由郵封寄達屬員等有稟商公務亦須赴工謁見畿
輔重地總督職司統轄事務殷繁驛遞往還未免易
致遲滯而各屬員僕僕道途徒滋跋涉况河壩水漲
不時更虞稽阻嘉慶六年間永定河水漫溢時姜晟
即因水阻不能前赴工次案牘文書更不能保無貽
誤殊非慎重地方之道嗣後直隸總督於永定河伏
秋大汛時止須酌量往來查勘毋庸久駐工次轉致
勢難兼顧其河工修防事宜著責成該道常時督率

工員妥為辦理。申報該督具奏。庶於地方政務。可以隨時清理。不致稍有積壓也。○又南河設碭上汛外委效用一人。豐上汛外委效用一人。高澗南汛外委協辦一人。○十三年。設南河洋河汛外委效用一人。清安汛外委協辦一人。○十五年。裁江南省副總河。○十六年。奏准江南淮揚海道分巡三府州。管理十廳河務。不能兼顧。請添設淮海道一缺。駐紮中河。專管桃北中河。山安海防及新設兩廳河務。○又

諭。南河添設淮海道一缺。有經營工段及稽察葦蕩一

切事務。著松筠陳鳳翔於河工人員保奏一員。或調或升。嗣後此缺即定為題缺。○又江南省添設海安廳同知。所屬一汛。將海州州同移紮。添設海阜廳同知。所屬一汛。將阜甯縣縣丞移紮。隸淮海道管轄。○又奏准增設永定河南北兩岸十五汛額。外委員額。每汛一人。除舊設四人外。再添設十一人。○又添設江蘇省淮安府外河北岸通判一人。○又議准豫省添設歸河通判一員。作為河工題缺。○又奏准河南省原設虞下汛分防外委。改歸新設歸河通判管轄。原設商

邱千總改為歸河協辦守備。睢甯廳屬甯陵把總改為商邱千總。仍歸虞商通判管轄。其甯陵把總裁汰。改設甯陵分防外委。○又改河營各汛外委協辦為外委協防。○又南河設海安河營守備一人。把總一人。外委協防二人。外委效用一人。又設海阜河營守備一人。把總二人。外委協防二人。外委效用一人。○十七年設周家樓汛外委效用一人。董家堂汛外委效用四人。五工頭汛外委效用四人。邳運汛外委效用二人。運河汛外委效用一人。宿遷汛外委效用三

人戴家樓汛外委效用一人。清江汛外委效用一人。山清外河北岸河營守備一人。下河汛外委效用一人。海安河營外委效用三人。海阜河營外委效用三人。○又奏淮南河葦蕩二營坐落地方。皆係淮海道所屬。河庫道駐紮清江。相距甚遠。無從稽查。惟淮海道管理該處廳營。可以隨時整理。其新設海阜。海安二廳。所駐附近葦蕩。責令分管兩營蕩務。左營歸海安。右營歸海阜。會同該守備辦理。其汛弁俱歸該二廳分管。仍隸淮海道統轄。○又裁南河葦蕩營參將

一缺。○又奏准南河船務營守備以下弁兵俱

裁汰。

尋奏准仍復舊制。隸淮海道統轄。

○十九年設東河副總

河。○二十年裁東河副總河。○又議准山盱河

營添設徐壩汛協防外委一員。為徐壩下汛以

舊設協防為徐壩上汛。○二十二年議定大批

舉人知縣揀分三河四省借補分汛佐貳以知

縣本銜升轉。○二十三年

諭漕艘經過牐壩關攬人夫由漕委經管每多需索是

以前旨責成牐官經管茲因幫丁非其所屬轉恐爭

持稽運著仍准分派漕委經理但每牐壩止許派委

一員專司其事。○又

諭。滕縣泉務。以地方縣丞為專管。嶧縣泉務。以河務縣丞為專管。均仍以知縣總理其事。○又山東省添設運河營。上河汛額。外委一員。○二十四年

諭。永定河向於白露節奏報安瀾。著改於秋分後奏報。○道光二年

諭。江南徐州府銅蕭兩縣及睢甯縣天然峯山等牯壩。洩水較大。民埵無力修守。官防應定章程。著於峯山河埵緊要處所。添設千總一員。協防二員。效用二員。天然牯銅蕭交界之處。亦著設把總一員。協防二員。

效用二員。○三年。山東省添設運河營南旺汎分防
外委一員。○四年。山東省添設運河營南旺汎
額外外委一員。○六年。設南河副總河。○八年
奏准將龍窩汎上交界起劃分隄工長六百七
十二丈。並朱家莊。孫家店。埽壩工程。連兵夫堡
房各一座。歸併煙墩汎。桃源縣丞。及該汎把總
就近管理。○九年。裁南河副總河。○十二年

諭內閣翰詹六部都察院各保送一員。發東河南河學
習二年。由河督分別送部引見。及咨回本任。每兩年
揀派一次。○十三年

諭。揀發河工學習各員。應歸河督察看。原衙門京察。每庸註考。○十四年。山東省添設運河營滕汛額外外委一員。○十六年。山東省添設運河營韓莊汛分防外委一員。○十九年。

諭。各衙門保送河工。先儘實缺人員揀選。如不得其人。准以候補各員保送。未經奏留之員。概不准保。以符定制。○又山東省添設運河營濟甯汛。蜀山湖汛。沛汛。泗河汛。分防外委各一人。○二十五年。

諭。河東河道總督。著每年桃汛前赴工。伏汛前半月。移駐廟工。霜降安瀾後。周歷兩岸。立冬後回濟。○二十

七年

諭。兩江總督。有兼轄河務之責。自道光二十二年起。因他務未能兼顧。嗣後仍著該督兼管。以符舊制。○二

十九年

諭。山東運河道屬泉州通判。河南開歸道屬歸河通判。各一缺。工務較簡。均著裁撤。分別歸併運河廳及商虞廳管理。其歸河營協辦守備一缺。著一併裁撤。以歸簡易。○又

諭。江南常鎮道屬揚州府揚運通判。丹陽縣丞。各一缺。或汛地較短。或別無修防。著即裁撤。歸併江防廳及

橫越牘官分別管理。江防同知著改為江運同知。其徐州道屬靈壁縣主簿及銅山縣呂梁洪巡檢各一缺。汎地亦短著一併裁撤。歸併睢南縣丞及北岸主簿分別管理。○咸豐三年議准裁撤南河河庫道。所管收放錢糧歸淮揚淮徐淮海各該管道分管。○四年定葦務報銷歸淮海道一處管理。至公項款內額支及俸餉養廉卹賞工食等歸總河彙辦。○十年

諭江南河道總督統轄三道二十廳文武員弁數百員。原以防河險而利漕行。自河流改道官多闕穴。所有

江南河道總督著即裁撤。其淮揚淮海兩道亦即裁撤。淮徐道著改為淮徐揚海兵備道。仍駐徐州。所有淮揚淮海兩道應管地方河工各事宜。總歸該道管轄。廳官二十員內。豐北蕭南銅沛宿南宿北桃南桃北外南外北海防海阜海安山安十三廳均係管理黃河。現在無工管理。洪湖運河之中河裏河運河高堰山盱揚河江運七廳。現在工程較少。均著一併裁撤。惟中河等七廳有分司。儲蓄宣洩事宜。所有運河中河二廳事務。著改設徐州府同知一員兼管。高堰山盱二廳。著改設淮安府同知一員兼管。裏河廳著

改歸淮安府督捕通判兼管揚河江運二廳著改歸揚州府清軍總捕同知兼管至裁撤黃河無工十三廳各工段汎地即著落各州縣管轄各廳所屬管河佐雜人員除揚莊管廂官一員專司啟閉毋庸裁撤外其宿州等管河州同五缺高郵州等管河通判三缺東臺等管河縣丞十九缺高良澗等管河主簿二十一缺阜甯等管河巡檢十六缺均著一併裁撤清江添設淮揚鎮總兵駐紮該處俟軍務平靜改駐揚州原設河標中營副將一員著即裁撤改為鎮標中軍遊擊駐紮蔣壩其淮徐遊擊駐紮宿遷所有鎮標

中營並右營廟灣洪湖佃湖等五營遊擊以下官五十四員。悉仍其舊。至蕭碭等二十四營。改設十營。除酌留遊擊以下八十一員外。其餘六十七員。悉行裁撤。以上各營官。均歸新設淮揚鎮總兵管轄。○又奏。令豫省蘭儀以下各廳員。會同地方官。丈量舊河灘地。開墾升科。奉

旨。乾河各營員弁。著即裁撤。○同治二年

諭。東河南岸所屬四廳。北岸所屬三廳。河道乾涸。廳員無事。所有山東之曹河曹單二廳。著山東巡撫酌量辦理。河南之蘭儀儀睢睢甯商虞曹考五廳。著即裁

撤○四年

諭淮徐揚海道轄境遼闊難以周顧復設淮揚河務兵備道管理淮揚兩屬海州一屬仍歸徐道管轄作為徐海河務兵備道○又奏准淮安督捕通判揚州軍捕同知歸淮揚道管徐州同知所屬河務汎地撥歸徐海道管裏河汎內之三牯五壩及承受中河洪湖南路來源蓄宣關鍵均在清江以上移歸改設之淮安同知專管駐紮清江浦埧圩二廳汎地改歸淮安通判兼管葦蕩左右兩營改歸淮揚道專管○九年定曹縣河邊地面兵

民開荒。切近隄身。將汎地歸分防劉家口縣丞兼查。○又議准沿河州縣經徵河淤等租。均以八分為率。如解不及數者。即行查明分數。分別叅處。又每年派撥民夫。上隄積土。防守險工。應責成沿河州縣。循照舊章。如數派撥。儻有包折等弊。即將該州縣嚴叅。至伏秋大汎。遇有險工。及堵築漫口之時。購料雇夫。責成該州縣剴切曉諭。不得聽居民擡價居奇。河工員弁。亦不准抑勒苛派。及諉過推卸。○又議准將宛平涿州良鄉固安永清東安霸州武清等沿河八州縣。

遇交涉河工修防事宜責成各該州縣認真協同廳汛各員辦理統由永定河道考覈至宛平縣駐紮京城不能親到應責令盧溝橋龐各莊兩巡檢就近經理亦歸永定河道考覈如實力奉行安瀾後准由該道詳請奏獎儻有玩忽亦由該道詳請查叅○十年議准江南省添設堰盱同知一員駐守長隄將堰澗澗徐四汛撥歸該廳管轄揚州軍捕同知常川在工改為揚州府河務同知將徐州同知所管邳連宿桃清五汛撥出桃清二汛歸淮安同知管淮安同知所

管平橋一汛。揚州軍捕同知所管寶應、范水、二汛歸淮安軍捕通判管。○光緒三年，江蘇省淮揚河務兵備道改為淮揚海河務兵備道。徐海河務兵備道改為徐州河務兵備道。○七年奏准直隸省大名漳河同知移紮東明縣高郵適中之地，作為廳員專管東明全境。南隄漳河縣丞移紮下游。開州州判移紮上游，作為汛員。分管首尾兩汛。○九年，直隸省添設高郵中汛一員。○十一年議准河工辦料以廳員為專管，以守備為兼管。辦工以守備為專管，以廳員為兼

管互相稽查。如廳員備料。歲內不能全到。守備容隱不報。經該管上司查出。廳員降三級調用。守備降一級留任。守備修做埽工。不能如式。廳員容隱不報。經該管上司查出。守備降一級調用。廳員罰俸一年。如辦料依限辦工。如式。該管各道具結呈報。該督查勘。儻所報不實。除處分廳營外。將該道照例查辦。